

廈門志

卷十二

列傳上

廈門志卷十二

列傳上目錄

宦績

宋林 棐

薛舜俞

薛舜庸

明王 讓

張 俊

林 應

楊逢春

傅 鎮

林大梁子雲映

池浴德

池顯京池繼溥

楊喬椿

陳則采

林應翔

林宗載

朝國池繼善

林雲嵐

葉沈翥

葉其蒼

林翼池

劉承業子熊啟

廈門志

卷十二

一

倪邦良

王鳳來

黃克明

武功

明池兆銘

朝國王 志

陳倫炯父昂弟芳姪壘合傳

魏國泰

胡 貴

林時葉

楊 超弟芳繼

陳文會

陳啟良

林奎章

孫全謀

陳逢時

林六韜

李得勝

李漢升

謝恩詔

陳登捷姪志成

李尚華

曾允福

趙世芳

蒲立勳

忠烈

明葉翼雲

弟翼俊姪
伯奮伯熊

陳弼心

葉爵

朝國洪有禎

卓超

歐陽凱

張養

黃海

楊起麟

甘瑞龍

彭大猷

陳國棟

陳鳳高

胡振聲

陳廷梅

陳紹芳

許廷桂

陳建勳

張高生

孝友

元沈祥

廈門志

卷十一

二

明王德

義門合傳

林大時

陳邁質

朝國陳祈猷

林起鳳

曾孫
曜華

楊秉忠

林德謙

陳迪元

池臯聲

劉承芳

余辰樞

楊天香

子春
樹功

陳元珩

子廷振
孫榮瑞

賴滋身

林陶光

陳應清

李圖章

林嵩

陳誠諒

王光亨

呂仲誥

趙孟正

弟孟澤

王夢悅

曾邦翰
金光輝

廈門志卷十二

列傳一 宦績

列傳分宦績武功忠烈孝友義行文學寓賢隱逸方技方外爲目有專傳合傳附傳間繫論以申之其可徵者徵之諸書采錄者與島上諸君子論定之覆核維實以期傳信凡三易稿焉

宋

林棐字彥忱店裏人登元豐八年進士第通判沂州以治河勞績遷郡守部使者薦拔大府縣志作太府少卿有詩文行

於世祀鄉賢府縣志
驚江志

廈門志

卷十二

列傳

宦績

一

薛舜俞字欽父嘉禾里人紹熙元年進士教授南劍州未任三府交薦差江西漕司幹官堂審除吏部架閣以言者罷後起江東常平幹官與其長李道傳賑荒多所全活改知金華縣守督宿逋苛峻舜俞引誼力爭寬期示信民悉樂輸罷歸卒舜俞問學淹貫議論磊落挾負才氣仕數齟齬里居教授門人多通顯著有文集及易抄詩書指三百餘卷祀鄉賢通志府縣志
及道南源委原傳

薛舜庸字惠父舜俞弟紹熙四年進士調龍溪尉改分寧丞嘉定間知古田縣民間牛死例輸錢於官舜庸嘆曰民不幸喪牛又責入錢是重困也立命除之增廩餼建閣藏

書以惠生徒通判興化軍未任卒通志府志

明

王讓字丕承崙後人永樂二十年壬寅同安歲貢授廣東提舉司員外郎子欽星南海教諭家乘

張俊湖蓮保人正德間以歲貢授徐州訓導持守貞潔誨人有方徐士頌之閩書縣志及鷺江志作張俊任直隸南宮教諭

林應字子唯號壁峯塔頭人貢生有文名楊逢春傅鎮皆出其門後爲湖州司訓居九月以母喪去官士人走送多泣下者旋改彭澤卒於官所著有四書解便覽壁峯集子

大時有傳節墓誌杜榮撰

廈門志

卷十二

二

楊逢春字仁甫號西渠嘉禾里西厝人嘉靖四年乙酉舉人八年己丑進士初授仁和縣未任丁外艱起補崑山令賦籍獄牒不假胥吏縣素號富饒而逢春以清操著吳俗大戶領京運邑令寓書權貴金縑皆大戶爲備逢春裁罷之民以此感逢春最深行取至部以錢糧不及緩三年乃得南京浙江道御史痛惡依阿澆忍之習抗疏論兩京九卿大臣之脂韋者十餘人劾退挾賂奔競之濫得官僚者又陳江北屯田利弊巡視江南倉汰黜貪庸風采振竦擢廣東按察僉事備兵嶺南疆界遐曠猺獞蕃育將玩卒惰白日剽行旅逢春首責郡縣脩政息民易將選卒授以方

畧賊發輒得夜戶不閉事無畏難諸所剔蠹甦民雖不屬已亦毅然任之丁內艱復補四川僉事專管鹽屯豪右猾吏穴之爲綜刷成額按籍考要僞巧無所飾課入日進時叙州戎縣都蠻叛肆行殺掠邊無居人逢春獨抗言禦取之策撫按會檄委辦度險要分兵進勦陽撫其四鄉以勦二鄉爲師名果得四鄉最桀者四十人以來盡殲之用是兵入有功俘斬千計擢湖廣叅議分部潭邵之間平賦分役節冗興教凡所當爲悉力從之縱有犯忤不恤也性孝友不立私財居鄉敬老慈幼不以貴倨鄉人悅慕陞雲南按察副使未任而卒於湖南民走哭相踵喪歸罷市輦聲

廈門志

卷十二

三

以過出境乃止祀鄉賢祠

通志府志閩書
叅王遵岩文集

傅鎮字國鼎號近山中左所人嘉靖七年戊子舉人十一年壬辰進士由行人授南京御史疏諫聖駕數幸山陵世宗嘉納有守璫潘真挾私亂政凌虐軍士鎮言真不當以嬖倖開利竇殘朝廷赤子請按真姦贓果驗逮治之已念母病請歸旋補廣東道御史二十年辛丑北兵大掠三晉以西地總督樊繼祖與諸將堅壁自衛而先後報首功至五百餘級鎮疏其欺罔言盛張功伐實未嘗與敵戰奉旨勘問果如其言褫繼祖職武定侯郭勲之獄事下錦衣孫綱推問受賄歸獄何英等以脫勲罪有旨覆治鎮坐勲綱

交私罪餘分別寬貸之出按雲南會母卒服除補職巡真定又巡山東屬妖人謝漢商大常作亂擒獲黨與甚多郡縣概具獄磔鎮論殺首惡餘脅從者三十餘人悉放去入署河南道掌計事嚴相嵩欲黜觀察使一人鎮不從憾之出爲河南副使有治河羨金二千餘悉封識之庫中人指其金曰傅真金從鎮名表其廉也轉廣西叅政浙江右布政遷湖廣左布政鎮在粵西時有議逐流民者鎮曰彼亦民也况間有師儒醫卜商賈之屬可稗我民奈何驅之旣轄楚進南右都御史提督操江尋以病乞歸鎮爲御史凜凜風裁貴戚豪強斂手時目爲傅虎及行法停讞出於仁

廈門志

卷十二

四

恕人多德之敷歷藩臬漸致大位中外倚重焉萬歷中卒

賜祭葬祀鄉賢弟鑰有傳

閩書通志府志

林大梁字以任號雙湖應從子授業於應壘鹽攻苦嘉靖十六年丁酉舉於鄉授寧海縣令縣無城郭與黃巖接界倭寇黃巖大梁日夜傭工築城樹柵其上編丁壯訓練固守倭至令守者無譁臥旗偃鼓伺之倭疑有伏逸去方聞寇時請築城比報可而役已竟胡宗憲上其事時有私爲大梁計者曰凡授直役十私其三以爲他費大梁瞿然曰吾以利民豈肥己哉更擇一謹愿者司出納工竣絲毫無所取民咸德之歲時或有餽獻受其細者曰縣令與民親

上下交際情不能無吾不敢矯意以拂其情也嘗出視役
雨雪凍甚役者求酒大梁卽令將酒至各與一大觥而與
之同飲焉寧海至今以陳名唐名侯林稱三賢蓋陳不增
賦唐以均糧林以築城也官寧海八年調化州又調考城
以得罪中貴罷歸子雲映萬歷十七年乙丑歲貢官建寧
訓導題齋壁曰行事勿令琴鶴笑存心須與鬼神知爲多
士所矜式孫志遠進士自有傳采家乘

池浴德字仕爵號明洲中左所人嘉靖四十三年甲子舉
人明年成進士授遂昌令父戒之曰吾家世積德兒曹努
力爲清白官至則爲文誓神期不負蒼生設防守置木皂

廈門志

卷十二

五

澤枯骨多異政故事郡守朝正京師里甲斂百金爲贖浴
德代守郤之會新守至搜舊案山積前令不能決者日下
檄追督浴德檢三百餘案分別年次輕重平反勒爲數冊
上之逮繫悉空守大喜追徵則詳揭賦額於衢寬以限期
不事桁楊人爭樂輸盜者給以業賭者榜其家舊習丕變
初遂民往衢開礦失利起爲盜上官申禁凡入衢者須有
縣符無則以礦徒治之後衢與遂民仇者皆指爲礦徒送
之官無一脫者浴德白於衢道毛某曰一里往來豈能遍
給十室忠信豈盡礦徒毛立弛其禁民至訟庭一毫緡緩
不入官只袖米半升卽可結案咸稱爲池半升云隣邑有

難決者悉檄剖之丈量議起編派既定有以多爲寡者有全畝隱匿者先拘豪家置之法懼乞再丈許之無一差漏有浮額者充學以贍貧士縉雲諸邑爭告當道請浴德往丈編法如遂百姓歡欣擢南吏部考工主事民赴臺乞留編賦四閱月彙成黃冊乃就道老幼擁繞易鞦韆不得行壯者奪舁夫爭肩之至龍游萬人曳舟三日不得發夜半解纜哭聲遠聞衆爲蓋石亭於西明山水滸曰曳舟亭後祀名宦至南都三月轉北吏部稽勲司丁外艱抵家僅餘四十五金母曰諺稱縣令爲銀樹花吾子一樹乃無花果也起補原官清介端嚴無敢干以私遷考功員外陞郎中

廈門志

卷十二

六

調護士類常與相張居正相左會汰天下冗員居正戒部汰其人不復職浴德竭力調停得不汰者十二三有楚司理趙某行取入京爲南部所揭居正欲斥之力持不可居正趣益急浴德稱疾而太宰竟逢相意罷之轉太常寺少卿有冊封之命事竣告歸屢徵不就諸當道海上事宜皆就決知無不言奸宄斂跡盜賊相戒不入境家居三十七載布衣蔬食自課諸子嘗曰讀書豈盡取科第時時照管此念頭無負天地祖宗便爲天地肖子人稱明洲先生所著有空臆錄懷綽集居室篇年七十九卒卒日大星自南墜有聲山鳴三夜城北大石忽摧人謂是其應云祀鄉賢

子顯京顯方顯方自有傳閩書府縣志 晃岩集處州志

池顯京字致夫號念蒼浴德子萬歷三十七年己酉舉人授和州知州州有牛稅歲入千金胥役又故橫暴一紙下鄉輒盡中人數家之產顯京至首革之旋忤巡按崔呈秀劾罷起補湖州通判督運入都屬有兵事間阻躑阨始達轉懷慶同知以前運稽期被議解組顯京善文章精草隸畫尤絕倫晚喜禪學三任皆腴地而袖風載月以歸家居二年卒府縣志 晃岩集 參

池繼溥太常浴德孫康熙二十九年庚午舉人曲周知縣著有然齋詩草四卷府志

廈門志

卷十二

七

楊喬椿蠓頭人萬歷十年壬午舉人初令東流矢志清白一日署中米盡時已初昏不欲啟門第令家人供麵而寢屢薦擢守山東平度州在州清淨竟卒於官兩任牧令歸橐蕭然閩書府志 合 參

陳則采號對墀官兜人年十二冠童子軍萬歷十九年辛卯舉于鄉初令應城以終養告歸復任揭陽首敦學校造就人材熊汝霖郭之奇皆所賞拔有惠愛揭人立祠祀焉遷王府長史不赴卒年六十九府縣志

林應翔字源澗號負蒼後更號止巖嘉禾里人萬歷二十二年甲午順天鄉薦明年成進士知永嘉縣歲苦疫春夏

尤甚骨肉周親不相顧爲申收恤之誼歲旱縞衣躡屨禱
五十里外甘雨大沛時採礦中使至縣多方阻之民賴以
全丁外艱起補京山巡歷勸課停車決訟楚藩構逆郢中
騷動練兵葺城遷南戶部郎督儲鳳陽出守汝寧汝黃之
交有逋逃主號自在王應翔殲之而瀦其室調廣州決積
牘千六百平反死獄八十餘一日以閩廣開糴爭議棄官
歸復起守衢州脩郡志造橋建塔崇宣聖之後卹趙清獻
子孫貧乏者爲龍游民陳利病罷協濟米本色訪擒劇盜
滕竒兄弟覆其巢開化有盜程五龍等戕殺官兵使者發
兵捕治近村民惶惑鼓噪逐之兵歸告使者村之千餘家

廈門志

卷十二

八

盡勝廣也應翔曰無恐獨入巢繫其酋烏合悉散良民得
全肖像祀之遷湖廣副使未之官卒年六十二應翔好道
術兼通釋氏嘗自爲念不先生傳謂其爲文不古不今功
名不沉不浮仕宦不穢不清治產不縮不盈軀貌不高不
低才情不巧不痴於物不擾不撇於人不冷不熱里評不
善不惡人品不雅不俗死卽以志我毋求他人爲也其文
竒矯變化不可方物何鏡山集多載之所著有止崑存稿

祀鄉賢

閩書叅何鏡山集清白
堂稿及府縣志通志

林宗載字允坤號亨萬塔頭人萬歷三十七年己酉舉人
榜名駿言四十四年丙辰進士初令浮梁有無賴緣璫棍

獻民間田產假爲上用一邑惶駭宗載察其奸狀置之法
釐剔糧弊人服其精明天啟初以治行入爲兵科給事中
歷戶刑左右進戶科都給事時邊費無度山海餉費月二
十九萬宗載請旨查檄省去七萬又疏因餉檄兵因兵檄
官侃侃切中時弊進太僕卿攝太常事莊烈帝卽位祭告
郊廟陵寢諸大典皆宗載秩之陞太常寺卿疏乞終養歸
書還淳二字於里閭優游泉石者十餘年著有觀海堂平
平編蔡復一爲之序年七十卒祀鄉賢府縣志
國朝

池繼善字曦侯康熙四十七年戊子舉人授達州州同丁

廈門志

卷十二

九

艱起補原官前後兩任有惠政卒於官歸櫬無資士民爭
賻之達州志稱其學問淵深經術優裕割俸改建崇聖祠
講授子弟多所成就云府縣志
達州志

林雲嵐字龍輔號定軒嘉禾里人康熙五十六年丁酉舉
人授江西瀘溪知縣潔己愛民興利除弊邑有漕米三千
舊例米一石折銀七錢納官代辦後價昂官籍以侵牟雲
嵐申詳當道奏准定例自此民免其累乾隆八年江右大
荒民取泥充飢名曰觀音粉嵐勸富民捐穀以濟又申請
常平積貯例糶三存七權改糶七存三多方籌畫飢民以

安卒年六十一

鷺江志

葉沈翥字季翔蓮坂人少穎異甫十歲客有不識窮蟬事者翥曰得非史所稱舜之祖乎雍正四年丙午舉鄉貢補武平教諭清儉自持縣令章文瑗集古贈之有舉代推高節儒林得異才之句尋以年老致仕足不出戶卒年八十

有二鷺江志

葉其蒼字子遠號鴻齋蓮坂仙樂人雍正五年丁未歲貢任連江訓導在官十二載勤於勸課寒士依爲慈母及歸攀戀如嬰兒歲時存問不絕先是葉姓分南北房不建祠其蒼諭以敬宗合族之義遂合建焉鷺江志

林翼池字鳳賓號警齋塔頭人雍正十年壬子舉人乾隆

廈門志

卷十二

十

十年乙丑進士選湖北來鳳知縣苗疆新闢未有城郭甫下車卽請建城郭設學校躬親考課教以詩書而民知學其俗聘禮以雞酒爲定強婚悔嫁往往滋訟頒示婚六禮書帖式而民知禮居父母喪者旣除服焚主滅祀教以設龕藏主歲時致祭而民知孝邑苦食鹽價倍於米商人年繳例金八百兩卻不受勒石平價縣毗接酉陽州爭地仇殺釐定其界邑未有志捐俸纂輯獨出手栽以母老乞歸百姓攀轅祖餞累月不得行著有尚書捷解讀史約編鷺洲拾草遠遊閒居草知以集行世節縣志

劉承業字垂恢號鶴田岐西保人乾隆十三年戊辰進士

選鉛山令邑饑奉檄發粟三千石行賑自以拯濟不敷發六千石捐俸墊補民沾其惠鵝湖書院爲朱陸講學之所重新之捐膏火興文教性耐煩劇凡有審斷無論寒暑晝夜不求自逸有民婦被污不就憤恚自盡翁受賕以溺死鬻獄承業廉得其狀置之法爲婦請旌卒於官承業工書能詩子啟熊字幼痴少有才名嘗命撰巡道德泰壽詩一夕成六十章年未三十醉後失足墮井死著有晞牕吟稿

夢亭賦草

縣志參
家乘

倪邦良字耜南號深田乾隆十七年壬申舉人祖籍晉江父都督僉事乾培遷鷺門與提督鴻範爲從兄弟一門以

廈門志

卷十二

十一

武功顯而邦良好學選瓊州定安令瓊孤懸海外民黎雜處邦良拊循有方汲汲以愛民興學爲務大吏方擬報最

丁內外艱回籍年五十一

凌翰
採

王鳳來字瑞周號竹山龍溪新岱人遷廈門石埕幼從父游臺灣入鳳山縣學由貢生補漳平訓導陞蘇州府同知監漕儲押運艘督採塘石經理客逋太湖多支港宵小易潛大吏調鳳來駐之奸民斂跡踰年遷刑部員外郎授懷慶府知府懷慶民苦河淤爭水致訟歷百餘年鳳來規畫開濬率河內濟源二縣發丁夫決壅塞引沁水通其流河以開廣二縣田悉變爲膏腴民德之郡有懷仁書院課士

月必親至擇尤異者獎勸之是科登賢書者十一人而書院居其三翰林衛肅其所拔士也後轉兵部武選司員外郎以母老假歸卒所著詩文集各以所居名藏於家鷺江志黃克明字詔卿張厝保人廩貢生嘉慶間任永春學正州有梅峯書院倡捐膏火延師課藝知州汪楠爲文紀之士人歌頌改泉州教授得士望後退老家居以壽終孫雲鴻林焜熿

採訪

列傳二 武功

明

池兆銘其先長溪人永樂間從征沙縣寇叙功授永寧衛

廈門志

卷十二

武功

十二

中左所總旗遂爲廈門人太常浴德其裔也

晃岩集

國朝

王志字拔葵外清人康熙三年率衆歸命授叅將從征岳州四川擢副將加都督同知銜尋令有功名者赴部推用遇部駁滯留京師多年值征 奉 特旨赴玉泉山校藝 賞賚有功從征 賊目伊立喀申降歸補廣信叅將多所興革推陞銅仁副將再調劍州以年老乞休

陞辭

上解所佩刀賜之卒年七十五

采墓志浙江巡撫王昭度撰

陳倫炯字次安號資齋同安高浦人由諸生得蔭後居廈門父昂少孤貧習賈往來外洋熟悉海上形勢康熙二十

二年施琅征臺灣聞其名召與計事指畫南北風信港澳險夷瞭如指掌置麾下叅密畫定計以南風攻澎湖及戰身自搏鬪又奉令出入東西洋訪鄭氏有無遺孽凡五載叙功授蘇州城守遊擊尋調定海左軍再遷至碣石總兵官擢廣東副都統劾天主教異端惑衆隱憂剗切又見沿海困於洋禁謂其子曰濱海生民業在番舶今禁絕之則土物滯積生計無聊未有能悉此利害者卽知之亦莫敢爲民請命我今疾作終此而不言則莫達天聽矣年六十八卒遺疏以聞倫炯齎疏入都充侍衛長身玉立鬚眉整然嘗扈從 上顧問外夷情形奏答明晰按輿圖籍胷

廈門志

卷十二

十三

合六十年朱一貴陷臺灣承 清問奏曰烏合耳刻日可平也詳陳所以易平狀及平 賞賚有差是年授臺灣南路叅將請建鳳山縣城撫緝瘡夷整理有方晉安平副將築海岸護安平城憫死事者建五忠祠祀許雲以下五人補總兵勵己率屬時有總鎮清廉補破鞞之謠調鎮高廉雷因事降調署浙江大荆遊擊補澎湖副將調狼山蘇松諸鎮在蘇松爲崇明人廓清數十年匿糧積弊乾隆七年提督浙江購小白山瘞閩之客死者建資福菴置田爲祭費閩人德之凡五載解組歸卒年六十四著有海國聞見錄行於世采入四庫海疆要書也其弟芳字名侯官碣石

遊擊性嚴毅軀幹魁偉能挽數石弓爲把總時諗鹽捕以私鹽誣人動輒破人產罹刑獄白於當道力除之調吳川遊擊有造孩子酒者取胎孩投糟中吸其氣釀爲酒謂可補元氣盃直錢百吳川孩提罹其毒者無慮數十百人事覺吳川令薄罰釋之芳聞奮臂曰此何如事不除其人而絕其害非夫也立揭于兩府照採生折解置極刑父老傳其德不衰後以病免年四十六而卒芳子壘字仲篋以伯倫炯移廕補福建水師守備陞金門遊擊調臺協中軍俸滿授烽火叅將調廣東大鵬以薦晉香山副將地當廣海門戶西南諸番舶所集澳門紅夷室家雜處撫綏爲難其

廈門志

卷十二

十四

外零丁諸洋汪洋無際奸民哨掠聚散靡常莫可蹤跡膺是任者率以罪去壘內克彈壓外勤巡緝夷民均安洋盜相戒不入其境及巨盜曾德度案發沿海文武被議而香山獨宴然壘之力也壘生長將門雙目炯炯善騎射性溫雅所至與諸有司和衷軍民相得歷署左翼碣石總兵官有祖父風年五十三卒於官未竟其用時論惜之

參府縣志海國

聞見錄序
驚江志

論曰陳氏父子世以韜鈴勲業顯其大者開洋一疏非通達時勢熟諳夷情者不能言觀其臨沒數語亦見忠君愛國之誠矣倫炯著爲成書以公世人宜其子孫世守之勿

失也

魏國泰字德良翔風爐前人住劉五店有膽畧補水師提標把總遂家廈門康熙六十年朱一貴倡亂國泰奉檄征勦多所追殺臺灣平歷陞洞庭副將潔己奉公兵民不擾嗣陞金門鎮總兵官未赴任會貴州苗變檄赴鎮遠協勦時苗勢猖獗夜襲鎮遠國泰計兵在外分防城中只有四十人乃預出城伏兵擊之苗望幟却走鎮遠之人賴以安平苗後赴金門乾隆元年以軍功賜俸在金門五載裁罷陋規歲不下千金調碣石鎮如之後補廣東右翼鎮未赴任而卒子文偉廕生補守備任廣東順德協副將

縣志

廈門志

卷十二

十五

胡貴字爾恒號潔峯居懷德保少有智畧習韜鈴精騎射畱心水務風雲氣候港汊險易靡不周知由行伍授水師把總洊擢守備陞南澳遊擊玉環叅將閩安副將蘇松潮州瓊州總兵廣東提督調浙江一載仍調廣東歷官三十餘年革陋規勤訓練嚴巡哨慎舉劾於救災弭盜尤加意在蘇松督運漕糧十萬石來閩賑饑至温遭風得無恙回崇明其鎮地也狂飈陡發海水驟漲漂沒廬舍人口盈萬貴亟商崇明令發賑令以未請爲辭貴曰民死在頃刻豈能俟報有譴吾自當之卽開倉賑濟又慮邑員少勢難周遍令標屬四十餘員協同分賑衆有難色毅然曰若等非

以衛民乎倘賑有不周因而致變若等能宴然乎文武一也爾等各盡其心已耳又請撥帑金十八萬倉穀二十八萬並截漕接賑民賴以安在粵東值王亮臣等倡亂飛檄邊界預截逃路分遣部將往增城虎門華峯藍汾二山諸要地搜緝而增城在萬山中尤緊要亟勒兵策馬馳鎮之適總督阿里袞亦至分道進搜一從華峯入一從藍汾入諸賊次第捕獲二百餘名與阿里袞籌善後策事聞加秩卒於官予祭葬加贈一級謚勤愨子振聲自有傳

府縣志

論曰朝廷設官用以綏輯斯民也豈以文武異哉觀其賑崇明不以武職引嫌自避卒爲之請帑請粟而共成之其

廈門志

卷十二

十六

識量有過人者

林時葉廈門人康熙六十年以把總隨總兵藍廷珍蕩平臺灣朱一貴分勦北路逸匪從大排竹土地公崎進搜三層谿諸處縋幽破險與署守備李郡會兵小石門燬其草寮窟穴餘黨悉靖累官廣東平海叅將

東征記平臺紀畧

楊超字羣邁廈門西門外人少遊臺灣入邑庠值林爽文煽亂招募義勇畫贊戎行功授六品銜從恢復鳳山以海東掌教曾中立薦卽奉檄權攝縣事殘破之餘問疾苦弔死傷方垂意撫綏越七日疾作而卒弟繼芳監生亦倡率義民禦侮有功給千總劄補臺灣北路千總卒

家乘

陳文會廈門人監生林爽文之亂大將軍福康安統兵進
勦駐節鷺島文會獻策軍門從師東征舟集鹿仔港遣文
會登岸招撫良民聞風爭款脅從多散遂奏蕩平之績

採臺

灣縣志福
將軍傳

陳啟良店前人候選布經歷嘉慶十年遊臺灣值洋盜蔡
牽竄入鹿耳門攻城啟良請建木城於海底巡道慶保躡
其議啟良力任事兩晝夜城成遂與洪秀文郭拔萃輩分
領三郊旗日率義旅拒守畏賊逼多走獨啟良不去卒破
賊巢焚洲尾當賊屯踞時募能殺啟良者予萬金學博謝
金鑾咏其事云木城百雉海東隅危難方知偉丈夫惡耗

廈門志

卷十二

十七

翻成名節在萬金爲汝市頭顱賊平議叙五品職銜

采臺
灣縣

軍志藝
文志

林奎章字達卿張厝保人歲貢曜華子少遊臺灣入邑庠
試高等與脩邑乘鄭兼才學博稱其公慎嘉慶十年四月
蔡牽入鹿耳門郡城戒嚴當道諗其才命協守大西門門
迫海岸最險要奎章防守無失賊遁去知縣薛志亮禮勞
有加牽涎臺灣十二月復自南下從洲仔尾登岸圍城山
賊應之奎章守大西門如前時各門俱閉獨大西門放民
樵採日出入數千人恐奸宄乘間入雕木戳加珠印驗識
之日一易奸無所容已見民情動搖乃散家資招募鄉壯

初六日賊攻北門謂遊擊吉林阿曰賊本烏合初到挫其鋒銳卽靡矣引所部直衝中堅官軍左右掩擊大敗之賊氣奪巡道慶保以奎章所募一旅銳甚令守陴自小東門以至大北門奎章晝則當門詰奸夜則登城守禦賊嘗一再攻小東門連殺退之十九日從吉遊擊轟之大南門斃賊尤多二十四日總兵愛新泰戰柴頭港奎章聞礮聲率衆疾馳抄出其背橫擊之賊不虞援師之至也遁去明日追敗之燬其簑多焚死者尋復大集明年正月五日復敗之大南門越日突出小北門直搗馬房山焚其寨乘勝追過山後身衝矢石丁壯感奮各出死力賊大潰自是追勦

廈門志

卷十二

十八

至五妃廟山再殲之屢戰皆捷而洲仔尾一役破穴犁巢俘斬無算功尤多賊竄南路隨官軍窮追戰於桶棧大獲賊始颺帆去五月牽復入鹿耳門知府高叔祥禮致之人曰大西門鎖鑰又屬君矣奎章慨然請獨當一面會官軍率舟師至亟僱艍船要截北汕生擒賊目王藍置於法奎章沉靜有謀三年四守要隘如郭丁冒鄉勇黃迨假營卒李本福潛通內應率盤獲消禍萌辨出可疑者又八百餘人水陸十餘戰未嘗僨敗勞績特著有齟齬之者奎章負氣自明將軍賽冲阿檄給六品頂戴後回厦卒

案牘林焜煌采

孫全謀字元臣號澹亭漳州龍溪人其先山西居永濟曾

祖維福征噶爾旦功加都司借補福建汀州中營把總因家於閩全謀七歲失恃家素貧無期功近親可謀飭粥者比長益落魄慨然曰吾將種也當橫戈海上立功名耳乃移家廈門投水師入伍以勞績拔本標千總累遷遊擊乾隆五十一年臺灣林爽文滋事從福文襄渡海擊賊於三坎店礮傷胷暈絕旣蘇裹創再戰鯽魚潭姜市又以前鋒援嘉義戰益力擢廣東大鵬營叅將晉羅定協副將 賞戴花翎福文襄奏請調臺協未幾林逆就縛乾隆五十七年授江南蘇松總兵明年冬丁繼母憂回閩未終喪而浙洋告警起爲黃巖總兵于定海洋擒盜首陳言等臺灣洋

廈門志

卷十二

十九

獲盜紀夢竒等嘉慶元年在温州玉環洋獲盜吳佛四等至潭頭洋燔盜首陳阿寶等臺郡帖然巡撫吉慶壯之餽衣裘增千金全謀悉散之士卒身無私焉嘉慶二年授廣東提督轄水陸官兵時徐添德煽禍全謀遣兵平之七年秋擒陳爛屐四於博羅八年春誅黃亞程於永安朝廷加騎都尉世襲復給六品廕生粵洋浩湧無際外通交州蜚戶易誘以爲變如張保仔烏石大東海伯尤桀黠者闖帥多因之褫職九年秋被議降都司訓練水軍在洋三載計獲盜魁吳亞球郭婆太等十數盜夥千餘舟百餘器械無竿十三年授左翼總兵旋復提督官全謀以張保

仔擁賊船二百思以計取之冬十月困之於赤瀝角方合圍我師少全謀當先壓其陳後無繼者風大作賊潰圍奔全謀曰師不用命將之罪也提鼓申之十一月追至急水門大鏟洋礮火轟烈殲賊六百餘人降其魁先是總督百齡以赤瀝角之役聞有旨革職拿問泊以捷音聞命留粵效力賊始爲飛語中全謀曰是役也孫某受萬金故縱使遁詔問百齡百齡奏曰臣聞賊懸賞云得臣頭者予二萬金得孫全謀頭者予萬金不聞其受賄也且力言全謀必辦賊狀遂以爲總統故所向得成功而烏石大尚猖獗十五年夏督師西下電白洋與賊遇擒朱亞寶等一

廈門志

卷十二

二十

百三十九人獲船四百追之儋州外洋盜船銜尾來我師一以當百聲撼怒潮盜船俱碎全謀專注首賊身先躍入盜船弁兵踵之生擒烏石二烏石大烏石三等四百三十九人逆黨落水者無算賊首東海伯聞風破膽率衆四千餘丐命籍械入官受之以歸總督百齡備奏全謀功賞還花翎遷陽江總兵復世職騎都尉二十一年授廣東水師提督命下而全謀以患暑卒于官年七十有三全謀當敵勇臨財廉帥粵最久戰功最多承恩無驕氣獲譴無怠心信賞必罰士爭用命專閩二十年大小百餘戰蹶而復振以功名終孫雲鴻以廕生用通判後改襲騎都尉

隸水師

采墓志福州編
脩趙在田撰

陳逢時霞溪人弱冠充伍水師拔提標外委擢把總乾隆間臺灣林爽文亂隨師東征五十二年二月會於大湖賊屯衆草尾店官軍力攻之九突其陣洲仔尾鯽魚潭姜市諸役皆奮銳前驅已援諸羅時諸羅圍久逢時至并被圍凡四閱月糧盡軍士飢疲賊數撓我猶日與角鬪身經三十五戰嬰城共守大兵入圍解明年正月隨叅贊海蘭察攻克牛庄進搗加茛庄生擒賊日葉吉南北路告平後復有攻捕海賊之勞

營册林焜燠采

林六韜廈門港人大軍進勦林爽文先以押運火藥勞拔

廈門志

卷十二

二十一

中營外委嗣是彭厝內垵籐頭屢捕洋盜粵艇方熾時游奕閩浙濱海嘉慶元年七月率兵船隨遊擊陳名魁擊之青水洋衝鋒過船斫斃多賊生擒賊首羅阿義等餘匪竄入浙界跡至潭頭洋攻敗之艇賊目吳興信以驍健聞十月猝遇諸獺窟輕銳剽疾幾脫去六韜佔上風縱橫與角逐竟縛以歸并繫夥黨多名明年秋戰於竿塘與水師營千總王得祿張兩翼夾擊大獲拘沈阿喜等先後擒獲百餘名擢補金門右營把總遷安平千總卒

營册林焜燠采

李得勝先居金門移廈城隸漳浦籍由行伍累擢水師提標後營守備乾隆間兩帶鳧水兵赴浙水搽賜銀幣又

從將軍常青東勦臺灣林爽文時海盜乘間起奉檄率水師防堵鹿耳門五十一年秋擊之涵西港獲其五艘奸梢李淡渡張桃等二百餘人欲竄內地地方出鹿耳門盡擒得之小除夕賊迫郡城得勝在洋瞭見四鯤身火起揮兵登岸夾擊賊引退明年正月三日戰竹仔港皆捷復在打狗港擒林振等經二十餘戰以功授南澳左營遊擊凱旋調水提標後營獲洋盜彭庇等六十餘名陞乍浦叅將未赴任以前防蚶江失察偷渡貶秩畱任嘉慶元年補水師提標叅將八月擊賊井尾洋殲斃無數生擒陳壘等獲舟三餘匪狼奔燈火坂復爲陸營截擒靡脫越月北巡草嶼擒

廈門志

卷十二

二十二

陳科科等獲舟二陸鰲之戰轟擊粵盜殺傷甚多遁去皆與金門鎮李南馨軍相犄角五年十月安南夷艇據蘇尖率舟師擊之破其船二盜首梁阿五等被俘并繫其妻孥旋以蔡牽入大擔降千總洵復原官護金門總兵陞瑞安

副將未任卒子文瀾官守備

營册林焜爝采

李漢升住廈門晉江籍偉軀體乾隆五十一年冬從征臺灣林爽文先後三十八戰以藍翎換花翎累陞澄海副將嘉慶七年秋從提督孫全謀平博羅縣賊授碣石總兵官旋因脫犯落職謫戍三載釋回出洋隨緝漢升感奮嘉慶十七年七月遇賊烏坵彈矢騰鎗中持牌刀躍入賊船格

殺生縛鄧石等以獻越月復擒陳登於小麥洋拔把總十
九年七月有盜伺劫硿口洋攻獲其船盜泅水遁漢升擊
楫追之竄伏山莽搜擒賊黨朱天記錄功補水師標後營
千總署金門左營守備移病歸子飛熊繼官守備案牘林焜燠采
謝恩詔號紫齋住廈城乾隆間以征臺灣林爽文功累官
龍門協副將嘉慶九年陞蘇松總兵海賊蔡牽竄入吳淞
港降都司入閩調用旋補黃巖遊擊護瑞安副將十四年
秋在漁山外洋從擊牽奮勇鏖戰兩晝夜牽赴海死叙功
擢安平副將陞黃巖總兵署寧波提督恩詔知書史文移
箋牘手自起稿性嚴察所至湔洗積習推引賢能在龍門

廈門志

卷十二

二十三

曾建義學延師教弁兵子弟及民之無力就傅者人頌其
德提督吳必達林君陞作水師要畧舟師繩墨恩詔重梓
以行海上事取則焉子天驥守備林焜燠采

陳登捷福山人副將萬山弟兄並起戎行登捷狀貌
魁偉屢著戰功嘉慶十四年任玉環叅將漁山之役從攻
蔡牽迫賊船拋擲火斗火炮焚賊船牽落海死舉船賊夥
二百餘人並死叙功例陞副將護黃巖總兵卒子尚忠官
守備萬山子志成任廣東達濠把總以哨海覆舟沉沒

予恤襲

張中丞奏稿及
案牘林焜燠采

李尚華家居廈城編伍水提標拔千總嘉慶十年閏六月

從總統李長庚攻蔡牽於青龍港十四年五月從提督王得祿攻駱仔盧於白犬洋並著勞績大吏彙叙南北洋勦捕功奏列一等時海上盜魁畧盡餘賊吳屬尚肆陸梁十七年五月分舟泊空口灣擒其黨胡瓊獲船二七月戰大麥嶼賊敗竄窮追至東鑊冲山破其艦生致吳九諸賊不數日復搗於烏坵以火攻沉其艦囚王鴿輩四十三賊越月八日擊唐沙伍帮匪於壁頭洋再擊之小麥洋獲賊四十六名獲船四砲械火藥無算總督汪志伊加犒贈焉終金門右營守備

案牘林焜燠采

曾允福同安人家廈門尾頭社嘉慶五年入水師營爲舵

廈門志

卷十二

二十四

工歷年駕船出洋緝盜多獲拔左營外委十二年二月在廣東泥濘洋與蔡牽船對敵石傷足旋於日門洋獲艇賊李五等八名十一月攻蔡牽於浮鷹洋獲賊船擒三十人陣斬一人股復被創明年冬擊獲小人帮賊夥南下隨金門總兵許松年攻斃賊首朱瀆叙功記名十四年春與戰於料羅洋再擊之於小伯嶼獲陳全等三名遂由金門把總洊擢閩安守備獲賊竿塘猝遭風落水不死授南澳左營遊擊屢獲洋盜周阿泉李帽蓆陳阿啜林狗黃光陳士安等道光元年署提標後營遊擊護閩安副將署提標叅將舉軍政卓異調臺灣中軍遊擊獲盜吳包舵陳姿惜黃

菁等擢艤舡營參將卒於官

營冊孫
雲鴻采

趙世芳同安縣人家廈門城內嘉慶十四年隨提督王得祿擊海賊鳳尾幫於海壇洋又隨追蔡牽浙江黑水洋鏖戰方酣連擲火器燒壞賊船舫樓沉其舟事聞

硃筆

圈其名 賞獎武銀牌擢把總累遷海壇左營守備率師出筆架山洋緝獲王尚玉等五賊拔出難民之被擄者補

福寧左營遊擊署烽火門參將以商船被劫降守備捕獲

盜首自贖丁艱歸卒於家

營冊孫
雲鴻采

蒲立勳字樹亭初名立芳廈門城內人入伍水師嘉慶十一年從提督許文謨擊蔡牽於臺灣有功拔把總十四年

廈門志

卷十二

二十五

從王得祿追蔡牽於黑水洋得祿被創督戰益急立勳拔佩刀斫舷呼曰今日不用命者死以所乘艨艟撞牽船船破牽自沉立勳受傷墮海得救免事聞

硃圈其名補

千總歷官金門廣東洊陞溫州總兵以母老歸養道光十

三年卒

採補

列傳三

忠烈

明

葉翼雲字載九一字敬甫蓮坂侯鄉人崇禎十三年庚辰進士知吳江縣故事獄鑰掌於縣丞多爲宦要禁無辜者翼雲清獄出之徹丞鑰自掌其害始絕家事無大小必手

裁值歲稔粟貴奸民朱和尚乘機煽亂佯示寬縱卒掩捕無漏網者朝中黨起文選司吳昌時通盜盜倚內援剽掠無敢撓翼雲密使尉擒之昌時貽書爲盜地拒不聽怵以危語亦不爲動夏蝗飛蔽天翼雲按捕蝗法謂於露翅濕濡時便乃夜行田間督從者協捕蝗下令輕罪以捕蝗數爲贖蝗患既息繼以荒旱步禱龍祠日行數里凡設廠施粥買米平糶及浚河造船以工代賑無不備舉時國用詘議者欲因畝加賦翼雲條上其不便縣省六萬有奇十六年東陽之亂苕禾兩郡大震翼雲念戍守單弱選精壯教以坐作擊刺相度形勢令城外四圍皆可馳馬增築臺舍

廈門志

卷十二

忠烈

二十六

其上晝則戎服閱兵郊外夜則巡行闐闐間偉然自成一軍北都變聞不軌者洶洶思亂廉得其主名捕殺之一邑帖然尤好獎拔才俊培植士類先是吳民詣闕懇再畱巡撫祁彪佳上其治狀巡按周元泰亦上言葉令才守爲上上考任滿將入都以催科不及格爲吳昌時黨與所阻乃寓寺中吳民譁曰何忍以吾曹累我公爭相輸納不旬日完二萬七千五百有奇投櫃贏餘發脩理承天寺吳民建祠祀焉臺臣嘆曰生祠去思碑皆可作而致惟卸事之官不事敲朴而完糧幾至三萬非深得民心者不能起爲禮部精膳司轉儀曹晉吏部清吏司郎中以親老乞歸唐王

入閩擢稽勲司員外以便宜視同安縣事素服興師城破
與其弟翼俊同殉難闔門死焉時年五十有二 國朝謚

曰烈愍翼俊以倡義兵授監紀推名節本傳林志
遠撰并家乘

葉伯奮字復迅官浙江樂清縣知縣伯熊字復文貢生任

南靖縣教官采葉氏
家乘

論曰翼雲通籍後令吳江計不滿三年而適當其否綏輯
撫禦整然有方不可謂非才之裕矣至今吳江之民祀之
宜哉

陳弼心店前人崇禎元年戊辰武進士任南京都司歷大
同叅將甲申殉闖賊之難府縣選
舉志註

廈門志 卷十二 二十七

葉爵字尊侯蓮坂人崇禎十五年壬午武舉歷官南京叅
將後死難於許灣林焜
燠采

國朝

洪有禎號亮士嘉禾里人授徒里中訓督甚嚴父老以醇
儒目之歲丁亥兵起有貞從俠客糾海濱壯士入守漳浦
城陷被執見大帥挺立不跪目直視髮上指旁執刀者皆
靡帥怒命縛於市磔之懸其首城東門時當暑月血色數
日不變青蠅毋敢集者久之卒投其頭於濠於是門卒
皆病中夜狂叫若有物擊之者乃相與求其頭羅拜瘞之
有禎早歲工書做文衡山賈人持售外國得重價歿後隻

字之遺人爭寶之

夕陽寮存稿

卓超字峻巖後路頭人原籍興化任水師提標外委康熙二十二年從施琅征澎湖臺灣有功授左都督隨平岳州陣亡卹襲雲騎尉世職後子孫式微不復襲

凌翰采

歐陽凱字虞臣外清人漳浦籍累官江西九江協副將陞蘇松鎮總兵官功加左都督康熙五十七年調鎮臺灣六十年四月土賊朱一貴作亂樹旗小岡山遣右營遊擊周應龍領兵四百進勦遣臺灣縣丞馮廸調四社土番隨之應龍逗留不進越七日宿南路營賊合南路賊杜君英夾攻之兵敗賊陷南路營乘勝攻府治凱與遊擊劉得紫出

廈門志

卷十二

二十八

駐春牛埔晦日大戰勝之賊退屯竿津林五月朔賊黨數萬大集凱躍馬衝突兵忽內亂百總楊泰綽號達家勇者先通賊爲內應刺凱墜馬賊刀交下截其首去得紫被擒不屈曰吾爲命官不得不死但求埋吾帥尸死瞑目耳賊聽其收埋幽得紫於學官朱子祠會南灣鎮總兵藍廷珍統師恢復執達家勇付其子敏自行處死 贈太子少保予祭塋世襲騎都尉恩騎尉罔替祀臺郡忠義祠初劉得紫塋凱尸失其首事平窮治賊黨乃得之塋於興化小鎮巖下敏任碣石總兵官

通志臺灣志平臺紀畧合纂林焜燠采

張養字浩然連西保人海澄籍水師後營把總雍正十年

春臺灣北路兗番爲寇養奉委征勦閏五月二日屯營半線未晨炊番至督兵轟擊被圍馬陷野田不起奮身步戰殺番賊無數忽流矢中鼻死翼日主帥令尋其尸見養挺立野田中兩手拔矢奮怒如擊賊狀事聞予祭塋追封忠義將軍祀忠義祠子耀武襲廕千總孫焜燠雲鴻林黃海靖山頭人龍溪籍副將隆子任福建水師提標前營遊擊乾隆三十四年用師緬甸檄調閩粵水兵令海分率往至騰越趨戛鳩江登舟方近新街遇賊接戰手殺兩賊突中鎗落水死從行者中營把總黃得彰前營把總張萬福及兵丁陳戰等八十七人皆陣亡或被擄外委鍾朝用

廈門志

卷十二

二十九

回自老官屯爲陳其狀將軍阿桂以聞 賜卹予祭葬廕

子喬以守備用

案牘焜燠林

楊起麟號祥齋閩縣籍家廈門以督標外委中式乾隆二十四年己卯科武舉會試後改隸水師三十四年補提標千總陞中營守備遷左營遊擊調署臺灣安平遊擊五十年十一月北路賊林爽文作亂起麟帶兵勦捕擊賊於三廊竹於牛桐溪於蔴豆於查畝營疊戰鹽埕橋鹽水港搜賊下蔡庄灣裡溪八卦蔡臺斗溪大埔頂楓樹脚舊營庄明年正月從總兵柴大紀復諸羅與賊戰相持北門前後數十戰殺賊數百人獲僞軍師侯元上功 賞戴花翎

擢廣東大鵬營叅將回郡諸羅爲南北之中賊必欲得之
六月復傾衆攻圍八日將軍常青遣起麟赴援至正音庄
爲賊所截起麟奮勇當先賊集如蟻復值秋霖田水阻深
衣裝盡濕鎗砲不燃衝突不能出被獲女賊曰葉省嫂勸
降起麟大罵以脚踢斃賊七八人賊怒繫其足以沸湯灌
其頂剗腹抽腸支解之時起麟弟起鵬在軍乘間得其首
賊平從子繼勳尋訪其尸歸葬事聞以副將優卹 賜祭
塋入祀昭忠祠給雲騎尉世職又恩騎尉罔替子清茂襲
任南澳左營守備卒孫長耀襲孫雲鴻林焜燠采

甘瑞龍海澄人居廈門與叅將楊起麟比屋而居補水師

廈門志

卷十二

三十

左營外委隨征臺灣林爽文與起麟援諸羅被截率親兵
四十人被圍衝突被擒瑞龍美丰姿賊目葉省嫂甘言誘
降願以身下之瑞龍怒罵曰我 朝廷命官豈從淫婦作
賊耶奮力斷繩索奪賊刀欲殺省嫂省嫂怒喝賊黨鬻割
之掩其首溺桶中年二十有八遺孕子泰元始生時總督
李侍堯督師廈門令與起麟子同抱入見憫其呱呱襁褓
惻然垂涕賊平題請入祀昭忠祠世襲雲騎尉三世後恩
騎尉罔替泰元襲署海壇右營守備歿子文標襲林焜燠凌翰采
彭大猷廈門人水提標外委林爽文之亂提督黃仕簡樓
船東征以大猷爲前鋒從復諸羅攻斗六門將軍常青令

分扼北門柴頭港南北路賊大會圍郡城攻北門大猷合諸軍出死力與禦賊退援蔴豆莊以兵少幾陷遇救得脫隨勦南潭克之旋戰歿於陣嗣子得恩襲雲騎尉林焜焜陳國棟龍溪人僑居廈門以軍伍洊擢浙江乍浦叅將奉檄領浙江兵船在洋緝捕屢獲盜犯嘉慶三年八月十七日在普陀洋攻安南夷艇首先帶兵過船殺死紅衣盜首三名搜獲安南印照三紙沉其船乘勝回船與別艇戰深入賊踪中砲死奏入予祭塋入祀昭忠祠世襲雲騎尉子廷俊襲凌翰林焜焜采

陳鳳高廣東潮州人居廈門補水提標左營外委嘉慶七

廈門志

卷十二

三十一

年守小擔汛五月朔洋盜蔡牽乘潮猝至鳳高飛棹告急守備某叱其妄答之忿甚回汛思爲螂臂之拒甫至小擔爲賊所圍鋒鏑交集力屈死妻控大府治大擔汛弁罪給銀牌初大小擔無守禦所至是大擔始築石砦二小擔築石砦一添設汛兵二百餘名採陳氏家乘

胡振聲字子容號成菴懷德社人父貴任廣東提督謚勤愨振聲入伍十四年補澎湖把總乾隆五十年 純廟

南巡隨澎湖副將帶兵赴杭水操拔千總署水師提標守備從征臺灣林爽文獲著名賊目陳來等叙功補海壇守備嘉慶二年陞玉環營叅將玉環爲父貴舊治嘗建義倉

日久蝕耗振聲剔弊補闕復其舊四年授廣東龍門副將
巡撫阮元奏請畱浙初振聲獲劇盜劉脚張彩翁等數十
名得賊書按名搜捕盡獲由是海上聞振聲名畏之如虎
蔡牽每遇振聲輒竄去一日被圍急易小舟遁獲其舟
卽溫幫改名左鋒船也檄署溫州鎮在狗洞洋獲賊江文
五等一百七十餘名級三船十二實授本鎮總兵官先後
奏捷七終以牽未獲引媿會牽擾臺灣調入閩堵截九年
六月朔諜知牽北竄會海壇鎮孫大剛閩安協蔡安國澎
湖協張世熊齊追至西洋望盜船七十餘艘皆朦朧巨艦
且佔上風諸軍遲留不敢進振聲揮船獨發把總馮光陞

廈門志

卷十二

三十二

跪請曰少須合諸軍齊進振聲曰我以身先衆船其肯後
乎有頃復跪請曰公不念太夫人耶振聲潛然出涕曰毋
多言已再鼓曰是何地也敢再言者斬連發巨礮斷賊船
桅賊死傷甚多諸軍率制下風但叫呼助軍聲卒莫肯前
牽見我軍援絕乃率新附梁山幫小船二十餘艇合圍之
振聲舟舵工忽中傷風帆欹側振聲遂被槩而仆牽念振
聲同鄉不欲傷其命以雞皮裹藥貼傷處振聲揭去大罵
不絕口遂遇害同日被難者把總馮光陞兵丁葛錦高等
八十二人事 聞加提督銜 賜祭葬謚武壯入祀昭忠
祠世襲騎都尉子廷恩襲

凌翰采

陳廷梅字佐鹽號香巖海澄人移居廈門歲貢應清子嘉慶十年任臺灣北路淡水營都司十一月海賊蔡牽泊淡水廷梅方募義勇爲禦敵計而山賊內應遂遣家人去決計以身殉十六日賊從扈尾登岸率所部拒戰死事 聞

世襲雲騎尉入祀昭忠祠

林焜
燠采

陳紹芳後崎尾人千總天鱗子嘉慶十二年以水師提標後營外委從李長庚擊艇賊於廣東甲子洋乘風搏鬪右

腿中礮死子承恩襲雲騎尉

林焜
燠采

許廷桂字偉臣號鼎齋先世自吳徙楚祖大猷任廣東副將父德任浙江黃巖總兵官卒於澎湖返葬廈門因寄籍

廈門志

卷十二

三十三

焉乾隆五十二年廷桂隨提督黃仕簡征臺逆林爽文三十四戰以功署金門守備擢遊擊護海壇鎮罟誤降調嘉慶五年授香山都司擒洋匪一百八十餘名優叙三年隨左翼鎮黃彪緝獲土盜二百餘名復在洋燒殺賊船屢有擒獲八年調赴惠州隨提督全謀勦捕山賊有功 賜服物優獎時永安會匪滋擾廷桂進勦賊首投誠餘黨藏匿鐵籠嶂廷桂率師銜枚由嶂背直抵巢穴勦殺之擢香山協副將先後獲洋盜八百餘名生擒著名賊首奪其舟艦器械無算奉 旨褒嘉護理左翼總鎮官十四年六月率舟師巡桅夾門擊海賊總兵寶沉其舟三乘勢衝擊賊

敗走軍中方報總兵寶砲斃餘黨倉皇逃命而張保仔粵之巨盜也統船三百餘艘來援廷桂督師迎戰會東風陡作波浪掀騰賊據上風拋擲火器舵斷賊登廷桂船廷桂與千總毛國斌持短兵接戰手刃數賊傷重爲賊支解年五十八子成福並遇害同時負弁死者二十四人後數日醫船獲廷桂尸歸葬事聞祭葬如總兵例入祀昭忠祠成福及陣亡弁兵一體優卹世襲騎都尉恩騎尉罔替墓在紫雲巖

按廷桂遇害時相從殉難者署守備陳大德署千總葉高外委陳聯魁陳見揚萬國平何新其都司嚴高未入

廈門志

卷十二

三十四

流施鳴臯等俱陣亡未獲其屍又署千總盧大陞等十

六員未知死所

凌翰采

陳建勳廈門人海澄武生効力戎伍林爽文之亂奉調從征大小三十六戰授水師提標中營把總嘉慶元年春土盜吳亮等在逃大吏索之急以屬建勳五月吳亮夜糾黨將由青巔出海建勳偵得駕輕舸襲獲之洋盜林洪密入青浦爲奸亦爲所獲嘗與蔡牽負創力戰李壯烈伯稱之十四年十一月押運渡臺船遭巨風擊碎死於海優典卹

襲孫淮濤襲雲騎尉

林焜燠采

張高生前園保人少習賈非其志棄去投水提標入伍理

帆繚事拔中營把總初獲盜於石美樹兜南園後屢有擒獻歐水結會滋事玉洲卽白擒縛之新來舵劫石浦米船逃入閩乾隆六十年七月從金門鎮李芳園戰於南日獲所劫米督撫賞給銀幣遊擊陳名魁以爲能署爲選鋒令扮賈舶梭駛銅山南灣間十有四日遇賊畚洲佯北軍士伏不動旣迫乃大發砲矢賊驚遁名魁從上風掩至夾擊擒賊張天參明日追及宮仔前垵獲接載賊魏港覆其舟當是時有林潭者呼爲海鳥先鋒蔡牽橫於海最趨捷難捕者嘉慶元年二月潭泊石圳隨名魁擊殲之復在將軍灣獲趙元賊四月哨湄洲遇柯佛船曾在浙劫鎗砲名魁

廈門志

卷十二

三十五

麾兵急擊高生首先躍過船右股被鉀傷畏瘡搏鬪纒佛等二十五人粵艇羅阿義剽海上當事檄捕急令分扼竿塘七月三日戰青水洋賊飛砲傷其右腮透入唇屹不動名魁乘風衝犁擒其首總督魁倫賞銀幣及獎武牌仍紀大功二次先予千總頂戴其冬又獲艇賊於獺窟擒吳興信等三十九名嘉慶三年正月圍侯煥於斧頭灣獲五舟鉛藥砲械無算叙功超等五月從遊擊蔡安國追賊船甫交左手虎口被鉀傷額中石擊高生不顧先躍賊船斫殺衆從之賊下海死俘二十七人擢前營左哨千總調南灣左營守備嗣送金洲船至浙江遭風覆沒北鹿予恤襲

采燠

列傳四 孝友

元

沈祥同安人元至正甲午盜起祥負母挾子章逃嘉禾島父子為賊所掠與母相失祥以計脫走衝賊鋒求母晝夜號於路三日始獲母巖穴中母子抱持泣以貲罄質其子章獲錢數緡復負母歸里章遂為廈門人仕明洪武間請宋學士濂銘祥墓焉 閩書

明

王德字俊明嘉禾里外清人唐忠懿王之後其先居晉江

廈門志

卷十二 孝友

三十六

有應鼇者宋度宗時以戶部郎為郡會恭帝北狩攜四子隱居嘉禾與之五通崙後其仲子曰士周與伯士稷叔士鄒遂徙外清德即士周八世孫也或云從帝曷航海歸隱

於此 家乘

從蔡虛齋遊傳其學人稱曰誠齋先生 本傳按察副使楊逢

春撰

子高立名賢繼以字行為諸生有學行門環溪流水甘

以清學者因所居地稱曰清溪先生遂號清溪也嘗出金代族人輸賦縣令表其堂曰義方有夜行聞水濱私語者曰即不罹於法倘令清溪先生知之亦應媿死蓋盜也比之王彥方年八十六卒有毛詩小傳十六卷義方堂文集二十五卷 本傳工部尚書陳道基撰 高立次子覲字正朝號蓋吾判

寧海州山東故多蝗歲饑民相食覲曰此長吏無救荒法耳自斥千金建義倉荒則貸於民民感其德遷福州府審理辭不就於其歸也輸二千金請置田宅留與相保笑曰豈有去父母之邦而客此乎不受乃立祠肖像祀之覲內行脩撫孤姪惟忠成立後官縣丞以同居訓子孫著爲家訓每食必祭祀曰留不盡予子孫後嗣遵訓同居五世不衰島上稱義門焉與父並祀鄉賢本傳侍郎何喬遠撰覲子民毓字惟貞號含淳事兄撫弟妹曲盡其道遵父訓義居罔不恭命避禍粵西卒年四十六生子三曰起槐贊槐肖槐本傳姪侍

郎與經撰

贊槐名命瑄字熙性益修其業內外無間言縣志肖槐

廈門志

卷十二

三十七

名弼瑄字熙輔主家政義門之名益著將卒呼子孫戒之曰務積德毋務積財財有聚散脩德可長有令名也鷺江志

贊槐子家獎字可勸號掖仲自高立至家獎同居於是五世矣一門六十餘口男女各治其事中饋五日一輪治一物之微必長幼分嘗 國朝遷界時人苦播越而王氏一門保聚如初家有蜂房旣分復聚人以爲義居之感家獎充康熙四年癸未歲貢生縣志

論曰義門之罕見於世者治家不得其平婦女得從而萋菲之也聞王氏非素封子孫能五世相守義方之訓有自哉當鄭氏肆虐海上富室無完戶而王氏獨全亦淳謹之

風有以致之也或曰民毓避禍卽避鄭氏云

林大時字以爲號碧溪塔頭人父應訓導彭澤卒於官大時匍匐扶櫬數千里歸塋日向墓門鞠跽絮泣奉母百計承歡孀妹貧不能自給迎歸割田以爲養膳傾囊佐族子竒石讀竒石遂發解其居里中未嘗分毫忤物無賢愚曲誘迪之斗室蕭然客至蔬醪酬對逍遙杖履有桑苧翁之目萬歷間縣令徐待舉爲鄉飲賔年八十以孫宗載官贈中議大夫

節止崑
存稿

陳邁質號同泰先世自漳南山徙同安嘉禾店前鄉坐族解戶株累遷長泰繼復還同安故有同泰之號六歲而孤

廈門志

卷十二

三十八

依祖姑適吳者久之吳意怠卽自僦居負傭樵採貿易以供母仰取俯給家稍起及娶妻虞氏與約曰吾出營甘毳資女謹事姑俾行無後憂居無闕事於是近走閩清遠走廣湖率移月始歸歸而洗腆奉母極歡母歿盡哀禮塋之長泰比闋後居同邑學宮旁嘉禾宗人以事赴邑者館之來就試者加厚有貸者不取息貧者焚其券復置田若干畝以充先祀族有祭田自邁質始邑令趙學仕予冠帶賓之曰老農安能從大夫遊辭不赴與妻虞氏皆年近九十猶及見其子孫登科子台衡孫一經俱萬歷間舉人

節錄
遯菴

國朝

陳祈猷嘉禾里人事繼母能得其歡心海警時索餉亟弟病被虜祈猷奔代備受拷楚卒俱免行賈所贏餘悉奉父母分給弟不入己藏諸姪之孤者爲之聘娶其於倫叙幾能無遺憾可風也

府縣志

林起鳳烈嶼人監生考職州同八歲父死臺灣尋遭海氛與母相失稍長竭力行求母得之於澳頭鄉許雲家遂居廈島偕妻石氏盡孝養已復東渡臺灣遍求父墳不得獲一香爐有父欸識攜歸祀焉篤愛同母弟起鵬買田宅給之延師教督後爲諸生食餼捐金脩葺學宮獨建祖祠里

廈門志

卷十二

三十九

人李姓負官帑數十鍰質女以償如數與之而卻其女貧佃逋租數百斛破券免之康熙三十八年於七洲洋遇颶風聞空中有聲云林孝子在此得無恙同行者云卒年七十二子孫多籍學爲生曾孫曜華貢生事繼母以孝聞兼善醫董玉屏紫陽書院事先後勸增膏火若干不愧爲孝子裔也附之

府縣志
并家乘

楊秉忠字敦誨竹坑人值海氛負親逃漳十三載家貧而親足甘旨幾欲忘其貧也卒年九十五孫國文乾隆三年

舉人

鷺江志

林德謙廈門人性和易質樸自臺灣移親柩歸遇風舟幾

覆德謙抱親柩號呼竟反風得無恙其地建祠施榘孳孳爲之又捐金贖難民孫全子鄉里尤高其義焉

鷺江志

陳迪元鄉飲賓店前鄉人少時卽能佐父母事祖母母病久得竒疾髮生蝨不可爬搔迪元以己髮引出之居父母喪克盡哀禮季妹孀而貧收養之以長其子弟死撫其孀孤如之又建祖廟修遠代祖墳置祭田周族戚之不足者其篤於內可紀者如此乾隆十五年後塘橋倒塌迪元捐資重建又修築茂後橋鋪平沿海險徑鄉人亦賴焉

縣志

池臯聲西邊社人候選郎中事孀母楊氏以孝聞乾隆間以特用道銜効力河工六載大吏薦其才當補會母訃至

廈門志

卷十二

四十

或勸暫匿俟得缺發喪臯聲垂泣曰負親不孝欺國不忠忠孝俱虧焉用富貴卽日促裝倍道南下衝犯霜露已病疲抵家撫棺一慟幾絕不一月竟卒於苦寢今崎嶇有母節子孝碑過其亭者猶能言臯聲也

林焜
燠采

劉承芳岐西保人舉人志賢進士承業兄也少從父航海父絆船纜墮水承芳號救無術遽赴水覓屍舟人力持阻不聽曰身隨父出父歿身歸尚得爲人子乎竟蹈海死翼日舟人見其父屍倚舟側相訝爲神收殮之而承芳屍不知飄何所矣家人招魂附葬父墓側進士郭邁誌其墓

劉氏

家乘凌
翰采

余辰樞字荆齋廈門張厝前保人海澄籍居親喪三年不入內余氏五世同居而辰樞主家政能無間言乾隆四十二年旌表建坊入祠

林煥采

楊天香字子飄廈門人原籍龍溪事繼母林氏以孝聞林患眼清晨必含冷水以舌舐之尋愈迨林年老得疾不可起則顛天請以身代林病果瘳而天香歿矣里人稱其篤孝子春條亦以孝聞嫡母陳年九十三生母黃年八十三春條已六旬哀慕如嬰兒孫樹功邑庠生嘗代父繫獄當道感而釋之亦孝子也

凌翰采

論曰方林病瘳已得請於帝矣而必死天香豈鬼亦有額

廈門志

卷十二

四十一

非代不可 嗚呼人誰不死爲親而死得死所矣是乃天所以彰孝子代與非代可置之不論也

陳元珩字崇懿先世居浯洲後遷廈門吳厝保父雲客邑諸生母鄭氏皆性嚴毅或怒元珩令長跪而已執業不顧良久令起煮粥元珩隨奉熱粥進父母怪所從來則元珩審知父母飢竊起煮粥而還跪也家貧業賈朝夕必歸省歸必市豬腰以供膳父所嗜也密置金錢於牀頭不令二親知後賈臺灣恐厪倚閭望約五六日一寄書又懼爲風所阻先封數函託知交以次獻及歸海上舟忽不前者三四日而他舟日連檣西去舟人竊恠之及至廈門則前兩

日颶風大作港內先至艘盡碎多溺死者同舟人夢神謂曰爾曹獲生陳孝子之庇也由是里人始藉藉傳爲陳孝子云元珩有子五人孫曾四十餘人子廷振字敦遠國學生六歲方在塾聞大父歿擗踊而歸哀毀如成人父母昆弟間未嘗有拂意鄰嫗戒其子輒曰若曹不見陳永郎耶永郎廷振小字也乾隆五十二年浯洲饑載米卹其族人明年疫施糶五百具孫榮瑞號雪航以廩生爲龍溪訓導道光元年舉孝廉方正用知縣念母老不奉檄山東巡撫武隆阿羅致幕中適東征欲與俱以母辭陳光求鎮崇明有舊再三要之固辭歸養母十餘年以畫竹自娛年五十

廈門志

卷十二

四十二

二先母卒人咸惜之

凌林孫全採

賴滋身黃厝保人幼穎異十二歲能詩乾隆五十七年年十九父疾割左股和羊肉以進不效復割右股竟不瘳滋身尋死無子母依壻家以居壻以一子嗣焉

凌翰採

論曰割股古人謂之愚孝如滋身以救父喪生而遺其母老壻家至於不祀其能無遺憾耶然當其割時祇知救父豈料身亦隨喪以貽母憂而斬祀哉其心可憫其事亦良可悲矣

林陶光字爲章關仔內人乾隆四十年乙未歲貢生有楊哲者盜陶光祖墳匿其骨陶光流離控告卒得直置楊哲

於法負骨以歸朝夕號泣與同臥起者累月晚年危坐正室族中有爭來愬者雖至親不袒諱年九十三子榮元邑

諸生

林焜熿凌翰
采林氏家乘

陳應清字仰蘇號冰壺世居海澄從父遷居廈城海澄有陳氏大宗祠僅存基址應清承父志倡新之置祀田父病醫言糞苦當愈應清嘗糞甘痛絕禱天祈代及父卒百日鬚髮盡白丁母憂哀毀如之喪祭式遵文公家禮卜葬後朔望詣墓奉茶菓三十餘年無間又畫二瞻圖以寄孺慕友愛諸弟終其身事師林爲章如父皓首龐眉追隨杖履時稱盛事家無餘資而親友急難必極力爲之經理時時

廈門志

卷十二

四十三

以濟人利物爲心物論比之陳太邱云子廷梅淡水都司

殉海賊蔡牽難自有傳

凌翰林焜熿采

李圖章字獻文吳厝保溪仔墘人一歲而孤母曾氏鞠之及長雖家貧必謀甘旨以進年五十餘有七子讀書服賈能各任其業而圖章日以養親爲事母八旬雙瞽起居飲食必躬親不假手妻子夜就母寢母歿圖章年已七十一矣痛哭如嬰孩及葬朔望步行至墓所跪進食菓卒年八十有三子跨鼈嘉慶二年歲貢生

李氏家乘

林嵩字苑賓海澄灣頭社人移住廈城孝事二親兄服賈歿於臺灣嫂蔡氏守一子纔四歲嵩令嫂暫歸母家而已

訓蒙塾中節嗇館膳供嫂及姪族人義之漕頭明末苦海氛舉族流逋祖墳失守祠亦傾圮至嵩皆復其舊年七十四送孫賡揚赴試復與考入邑庠卒年八十三孫賡揚候選縣丞

凌翰采林氏家乘

陳誠諒廈門縣後鄉人奉母林氏甚謹溺器必親滌不委之妻嫂家雖窘逢母誕辰必營酒食爲母祝兄誠謙業農誠諒凡事必稟命而行篤於孝恭如此

凌翰采

王光亨一名泰字開三南安籍世業醫遷廈門父歿母哭失明光亨扶持療治靜夜焚香露禱雙目復明鄉里驚異以爲孝感所致受徒所得脩脯悉以歸兄嘗在泉赴試聞

廈門志

卷十二

四十四

弟病奔救不入試人稱之

凌翰采

呂仲誥字謙六居小走馬路少孤事節母謝至孝九力所能逮靡弗至母病仲誥年亦衰猶且誦經爲母禱者十餘載母歿哀毀骨立若無所依值生辰家不置酒自往墓次祭遶墓而泣聞者悲焉初母治家嚴仲誥毋敢忤或不懌率妻孥跪堂下隣嫗過者咸嘆息勸慰命之起然後起時年已四五十云子世宜道光二年壬午舉人

林焜燠采

趙孟正梧桐埕人少孤苦諸弟皆幼鑄鍋爲業得贏餘謀精粲以供母自與諸弟食薯乾後別謀生計積有八萬金以均諸弟親友判孟正當從厚孟正不可人服其公弟孟

澤客死於浙季弟孟耀徒步二千里載柩歸葬亦難得也

凌翰采
家傳

王夢悅字盼庭廈門崙後人家貧授徒養母朝夕必歸定省所得脩脯先營甘旨而後敢及其餘兄夢情業賈亦善事母兄弟嘗侍母傍鄉人語曰二子鬚髮半白豈猶需母乳耶其家風想見之矣子瓊珮道光八年戊子舉人

凌翰采

曾邦翰字屏之曾厝垵人邑諸生母鍾氏病易生邦翰疾益甚有時露體狂奔邦翰方七八歲抱衣裙號泣追逐鄉人憐之護送以歸稍長日加防衛母或乘閒出門輒踪跡負歸母起居飲食皆身親之至娶婦不怠隨父楚生應督

廈門志

卷十二

四十五

學試榜見己名而父被黜歸廝涕零不止父令束裝歸邦翰囁嚅不敢言適友來賀方知之道光元年 詔舉孝廉方正邦翰不與鄉人私相謂曰若曾君其不媿斯名歟年

八十有九

凌翰林
焜熿采

金光輝字洵文晉江人從伯兄遷居廈門港母病痿侍湯藥無間年十七以家貧輟學託身市廛輒執卷讀越十年復試遂籍學食餼充嘉慶二十四年己卯貢生性廉介伯兄歿孤幼代理肆事八載所得盡歸諸嫂女兄寡時周恤之里有貧欲鬻其婦者婦義不去光輝聞而憐之捐二十

金全其夫婦是年幾不能卒歲云

凌翰林
焜熿采